

FIVE POINT EMPHASIS

– B. G. Momin, Youth Director, ABDK, Tura

Aganchengani:

Chadambe, 'Cha', chananga, 'dambe' brekugijagipa, dambe aro Chanangako nangdimatesa 'Chadambe'. Dambemitting ba nitomitting. Mongsongbate bilsa 12-23-ona ong-gipa dambe manderangkon chadambe mingrongaia. India-ode ia dolni manderangkon 'Adolescent period' ba "Youth" (Chadambe) ine minga. Chadambemittingo namgipa sal somoiko ba chu-sokaniona sokatode uan cha-songnaba gimajawaha aro uan a-songna jatna patianiko ra-bagiparang ong-gen. Uarangko ong-katatna ministryko dakengon mairangko nangchongmota, aro maidakgipa miksonganirang dong-achim uarangko dakna miksonganirangko anga iano kan-dike seatna kusi ong-begenchim.

BAPTIST YOUTH FELLOWSHIPNI MIKSONGANIRANG:

Da-alni chadamberangan knalni mondolini dilgiparang ong-gen. Unigimin uamangko Jisu Kristoko masiatna, Una janggi tangna didina aro dangdike on-a tarina miksonganio ia dolko bikotaha. Iako chu-sokatna B.Y.F ming bonga nisanrangko donaha. Uaranga: Sakanti chadambekon

- Jisu Kristoko an-tangni jokatgipa aro Gitel dake ma-siatna aro bebera-anio dal-roroatna;
- Kristian sakki on-aniko dake sakgipinrangko Kristo-ona rimbana;
- Nama Kattako a-gilsak gimikona gipatna kam ka-anio dingtang dingtang cholrangko ra-e bak ra-atna;
- Kristian songdongpagipa ong-e songko-nokko rikanio bak ra-atna;
- Kristian nangrimanio bak ra-e namgipa ripengrang ong-atna;
- Theological aro secular studiesrango nambatoroe poraina didina aro cholrangko dake dakchakna.

BYF FIVE POINT EMPHASIS:

Chadamberang ong-e maiko bebera-a aro bebera-ani orto chong-mot mai aro uni janggi tanganio nangrimani mai ma-sie ra-giparang ong-na nanga. Iana BYF FIVE POINT EMPHASIS ba BYF-ni Mingbonga dakgnirangko donmanaha. Uaranga: Ia B.Y.F.ni miksonganirango pangchake B.Y.F.-ni mingbonga kamrangkoba donaha. Uaragara:-

- Kristian Bebera-ani
- Kristian Sakki on-ani
- Kristian Giproroatani
- Kristian Songdongpaani aro
- Kristian Bakrimani

I Kristian Bebera-ani:

Ian skanggipa aro mongsongbatgipa BYFni dakna miksogani ong-a. Baptist chadamberang maikai antangtangko Isolko bebera-aona ra'bana man-gen, aro Kristona on'kangna aro bebera-atango ning'tue aro pangkame janggi tangna man-gen indake dakna amna skie on-ani kam ong-a. Iako chu-sokatna kamao on-giparangko dakna nanga.

1. An'tangtangko Kristona bebe ra'e on'kanganiko dakani (Personal Christian Commitment).
2. Bible Study ba Sastroko poraie chanchibewalrongani aro indake gisiko Isolni Kattachi alduani (Quiet Time aro Bible Study).
3. Isolo bi'ani aro olakkiani (Prayer and Worship).
4. Kristian bebera-anirangko skie ra'ani (Learning Christian Beliefs and Doctrines)
5. Kristian man'rikani (Christian Heritage).
6. Mondolio Member on'gpa'ani orto aro dairangko skie ra'ani.
7. Apsan pakripeko gatgipa dol (Yoke Group Experience). Ian chonggipa dolko dake saksa sakgipina duk sukrangko aro nannganirangko share kae bi'chakgrikani, didigrikani ong-a etc.

8. An'tangko janggi tanganio plakon dal'rorona aro nambatatna dakani kam ong`a. (Personal enrichment and growth).
9. An'tangtango nama kam cholono re'atna tariani aro baseanirankog dakdilani.

II. Kristian Saki On'ani:

Ian, kamchi, kattachi, aro plak janggi tanganichi Kristoni Jokatgipa aro Gitel ong'aniko a'gilsakna parakaniko chu·sokatatani ong'a. Iako mondolini aganprakani kamrango bak ra'paai chu·sokata. Ia emphasis-o iarang napchapa :

1. Nama Kattana Sakki on'ani: Mondolio, Mondolini apalo aro Songsarek-Hindu-Musalman grimo Kristoni Nama Kattana kam ba maiba kamrangchi Uasan bebe ong'a ine sakki on'a skie ra'ani aro saki on'ani ong'a.
2. Dangdike on'ani: (Stewardship) Changasapanichi, gamko aro somoiko on'achi, Kristianna krae daiko ra'e Isolna, a'songna aro plak ong'telaigiparangna dangdike on'a skie ra'ani aro daksinngani ong'a.
3. Mondolini plak kamrango bak ra'panichi.
4. Christian vocation: Ba Mondolio, Krimeo Kristian dilgiparangni kamko ka'na an'tangtango on'ani aro tariani e.g. theological trainingko ra'ani etc. Jekai Pamong, Procharok, Secretary etc. kam ka'na.

III. Kristian Nama Kattako Giprooatani:

Ian Nama Kattako a'gilsak gimikna gipatna kam ka'anio chadamberangko bak ra'atpa'ani aro bak ra'na mondoli cholko dake on'ani ong'a. Iako chu·sokatna ka'mao on'giparangko dakna nanga. Uaranga :

1. Home Mission- ba a'songtango aganprakaniko dakani.
2. Foreign mission- ba gipin a'songchi re'e aganprakaniko dakani.
3. Relief and development: Duk onggiparangko dakchakani aro cholgrigiparangko namdapatna kam ka'ani.
4. A'songsa a'song gipin baksa nangrimaniko mangrakatana aro dakgrik dingrikaniko gimaatna kam ka'ani.

Iarangko chu·sokatna iarangko dakna man'gen. Uaranga: Mondolio Missionko ma'sie ra'anichi, mission-na bi'anirangko dakanichi, mission-na on'paanirangchi, Mission a'barangni gimin ma'sie ra'pa'anichi aro re'e outreach programmerango bak ra'paanichi.

IV. Kristian Songdongpa'ani:

An'ching plakan a'songo sogdonggiparng ong'a. Indake Kristian ong'e songdongpa'anio a'songni plak neng'nikanirangko Kristianna kra'e namatna kam ka'pa'anio bak ra'pana nanganirang aro uarang skie ra'anirang - jekai social, economic and political justiceko on'anio bakra'paanirang. Chongmotan songsarni gita game-su'e-cha'anio, bading chiwalanio etc. aro sason-ni bidingo tik raiko aro mikkang nigija dakaniko on'anina kam ka'ani , aro ia valuerangni gamchataniko ma'sie ra'ani, uarangara:

1. Songna nokna kam ka'e on'ani.
2. Industrial relations - ba karkanao kam ka'giparangni nokgipa aroba managementni kam ka'giparang baksa nangrimani gimin aro maikai economic relation ba nangrimani dongachim uko ma'siate on'ani.
3. Gipin Kristian mamalrang baksa nangrimani.
4. Social Problems- ba songsaro namgija dakanirangko ma'sie ra'ani aro namatna kam ka'anirang.
5. Political Action- ba sasonni biding gita kamrangni gimin ku'mongani, chanchirimani, lekka puonani, aro governmentni ong'gija dakanirangko jegalani aro protest ka'ani.

KRISTIAN BAKRIMANI (CHRISTIAN FELLOWSHIP).

Jisu Kristona dangdike on'anio dal'batsranggipa katchaaniara gipin Kristianrang baksa bakrimanian ong'a. Gitelna balko chilrimanio ripengrang baksa ong'aniara chongmotgipa katchaani ong'a. Maiba Gitelni ka'saani uamang gita an'chingona teng'sua.

Nang-ni local mondoli ia dal-batsranggipa bakrimani bak ong-a. Iako nang-ni BYF-ni committee jako ra-e kam ka-na aro programmeko conduct ka-na nanga jedakode pilak bakrimanio pilak gamrangko seng-aona ra-bana man-gen.

1. MONDOLIKO INTRODUCE KA-ANI. Bang-bata chadamberangan (BYF) mondolini gimin bang-gijakosan masienggen. Uamangni BYF Fellowship, Sunday School aro Robibar pringo gilja ka-anirangkosan masibataienggen. Uamangna Mondolini re-anirang, Deaconrangni gimin, gipin Mondolini Officer aro gipin kamrangko introduce ka-e on-na gita nanga.

2. A-CHIKNI RING-ANI GITKO RING-ANI

3. PICNICS AND SUPPERS. Picnic aro mi cha-rimani Church's family spiritko ding-chaoate dongata jean namgnina chol ong-a. Gitchambegipa ong-oba ian namen effective ong-gipa ong-a.

4. NOKO DONGGIPARANGNA DAKCHAKANI. Bang-a manderang maiba a-selni gimin giljaona re-bana man-gijagiparang donga jedake saani gimin, ba rama chelgiparang gari gora dongjani gimin aro uandaken neng-nikronga. Uamangna wire ba tape recorder-o record ka-e shut-in nokdangona re-ange play ka-e on-bo. Ian dingtangmancha somoirango eg. Easter ba Christmas-rango nambegipa ong-gen.

5. INTER CHURCH RELATIONS PROJECTS. (i) Cultivating Friendship. Ian gipin mondolirang baksa ripeng ong-ani jekon 'Inter-Church Relations' ine agana. Ripeng dakani apsan biapo pangnan a-bachenga. Mande ripeng ong-na skangba uamang saksa sakgipin baksa u-i-masigrikaniko nangchenga. Ian inter-church relationsna skanggipa jaku ong-a. Iako dakna mondoliko aro uamangni chadamberangko u-ina nanggen aro uni jamano an-tangona okamatna nanggen.

6. GIPIN MONDOLIRANG BAKSA SERVICE DAKANI. Chutini somoi ba anniversaryrango somoiko ra-e mondoli gegni baksa bakrime joint meetingko ong-atna man-gen.

7. RECREATION.

8. A-PALO DONGE KAM KA-GIPA ARO PORAIGIPARANGNA DANGDIKE ON-ANI.

Chiti/Email/SMS ka-atbo. Bang-aan u-ia baditana mail noktangoni chelao donggipa manderangna gamchata. Uni gimin Fellowship gita chelao donggiparangna chitirangko see watate kam ka-na gita man-a. Man-ode salsako ra-e letter writing night ine done kam ka-na man-ode nama. Ia kamna dingtangmancha saksako incharge dona gita nanggen jean writing materials arrange ka-gen aro contact addresskoba sandigen.

9. CHRISTIAN HOME LIFE. An-chingni nokdangrangan an-chingni Kristian ong-anina dake niani ong-a. Nokdangni manderangsa an-ching Isolna ka-saama ka-saja aro gipinrangna ka-saama ka-saja uko chu-gimik u-ia.

- (i). Church Family Night
- (ii) Encouraging Family Devotions
- (iii) Conduct a Family Day Camp

10. BOY-GIRL RELATIONS. Pilakan me-a-me-chik relation-ni gimin knana namnika. Fellowshipan nanggipa programmeko organize ka-na nanggen.

Skanggipa nang-ni mondolini boy-girl relationsko nichenge maiko dakna nanggen decide ka-bo. Jadelgiminrang ia chasongni cholon bewalni gimin namnikgijani ba mitchinikani dong-ronga. Ia matnangani dongon – iana pangchakani gnangma? An-chingni bakrimani uamangni nangnikani gita ong-engama? An-ching ra-chaktogipa cholon bewalko dakengama?

11. LEISURE TIME. Bang· chadamberang chutini somoirango kam dam dongjaode aratpile roa. Uni gimin uamangna ia choljokmiting somoirango maikoba dakna man·ode nambegipa ong·gen. Uamangna an·chingni pilakan Isolni ong·a, uni gimin Mondolio an·chingni somoiko jakkalanisan Isolni ong·aia ong·ja indiba leisureba Isolnin ong·a ine u·iatna nanga.

12. CREATIVE ARTS. Bang·a chadamberang dingtang dingtang arearango changgipa-sapgipa ong·a. Uarangko namdapatna kam ka·na nangen. Hobby-an mingsa chol ong·a an·chingni talentrangko namdapatani jekon an·ching kam ka·anio jakkalrongja.

- (i) Plan a hobby night
- (ii) Start a drama club
- (iii) Swap your talents

Aganchotani:

Chadambeni sal-somoiko name simsake reatjaode gimaona sokanga. Chadamberango bil bang·en donga. Uamangni bilko, changa-sapaniko aro somoirangko Isolni songnokni giproroanina jakkalna man·na nanga. Chadambe sakantian watata Paulni Timothy-na didigipa kattako gisik rana nanga. Chadambeni sikaoni katbo aro rongtalaniko rakkina nanga. Bang·a chadamberangan an·tangtangko a·gilsakni kusina mikpakma nie an·tangtangko bilgrita. Chadambeni namgipa sakkiko ongsiata. A·chik chadambe sakantian Josephni janggi tangaoniko skie rana nanga. Joseph chadambeonin nokgipa Isolko grongaha. Ua Isolko dalnikgipa ong·a. Uni ka·tongo Isolna kenanian gapa. Potipharni nokdangna Josephni a·sel Isol Jihova pattianiko on·aha.